



爲紆地正迨三世祖芒公爲顓頊農官稽諸史  
則名句芒豈當時有二農官同名芒耶故知我  
祖芒公卽句芒也按句本發語聲或如句龍句  
吳之類蓋亦可取爲証考諸月令曰其帝太皞

其神句芒祖孫二人同司春氣不言德而德被  
天壤不言功而功伴造化發生布種利賴無涯  
故顓頊造歷歲分二十四氣特制芒種一節便  
民遵行及其命重爲木正則又尊曰句芒亦  
欲以此神德功名聳動其叔也

餘年一百六十餘世歷歷確有可憑世人既不  
知芒種所由來或且混重卽句芒爲少皞子誤  
實甚矣竊願與世之博古者共考正之迨十一  
世祖佐禹平淮始得錫爲舒姓子爵三十世祖  
佐湯伐桀始得稱爲廬江舒郡國按廬山有二  
在江之南者今屬九江府在江之北者今屬廬  
州府南廬北廬之間分土不爲小矣降而及周  
世守無間傳至七十六世忽遭徐人之難然國  
社雖變而當時幸有鳩庸龍蓼鮑五姓大臣各

據城地奉舒宗祀以亢徐蓋由我舒國君世代  
忠厚實有德澤及人故羣臣百姓咸願遵奉舊  
國試問春秋世變羲農黃虞諸封疆獲存有幾  
求初我舒國旣失猶能善保其後十餘世實屬  
僅口以爲安也迴舒城皖城諸郡邑而老輩後生多  
有能以者蓋地以人傳人矣傳名昭穆則

有能

子

亦多顯宦及百一世忽有三仙女  
之異或亦太皞句芒在天之靈所默佑者乎迨

一百三十四世祖德輿公從同兄弟皆業儒就  
學於京笑遭黃巢寇亂逃歸旅夜夢神告以逢  
長郎止之語噫同牀異夢乃其常也茲乃同牀  
同夢不誠竒哉所以我祖德輿公遷於黠東之  
長

長

長

屏山舒派德輿公遷於歙之長林

橋與公遷於黠南之長演嶺洪武三年分遷  
於黠北之長壠子幸生

於黠北之

長壠

子幸生

聖世學殖有年素

無大志芽拔有年文刊試牘設非考回丁艱則

與真廣文皆可次及奈命蹇多愆墳敝篋凌枯

與真廣文皆可次及奈命蹇多愆墳敝篋凌枯

莫獨集遂乃變志遊學徜徉山水遽於道光元

年買地卜

得坤之師

遷於浮梁西鄉白茅坂而長

壠派

肇繼

世守其業於鎮屢買佳壤塋其祖父

頗能有爲知予有志修譜問序同修予思家有

譜猶司百史皆所以紀實傳信也因出家藏古

本對伊舊本并借諸抄本逐一校正歷代各皆

符合惟行述畧異退而博採羣說典則者存之

闕畧者補之舛誤者更之冗塌者節之務期尊

祖考明世系辨昭穆敦倫常惟於忠孝節義及

凡有功德者尤留意焉椒衍陟蕃所以昭其盛也鳳瑞麟祥所以昭其貴也壽平格福來同所以昭其慶也溯本支誌遷徙所以昭其悠遠無疆也於是分一百三十四世以前爲宗譜以下分票戶爲族譜又下分房分遷不及五百丁者皆支譜庶幾各便易修其他遠在薊東及各省府州縣歷代各有遷居合當修爲統譜予老耄無能願俟諸有爲之人有志之士

道光二十四年歲次甲辰

仲春月

黔東屏山舒派後裔

道觀

拜序





唐光祿大夫舒

讀

上譜表

奉

詔輯

臣

家狀姓譜齊貴賤之由來品宗源之優

劣

臣

伏閱舊譜分封始於叔子得姓肇自禹

王枝葉枯承簪纓不替或騰芳三代或世襲前

朝冠冕蟬聯國封綿遠及漢元狩之季

臣

世

祖舒駿治任丹陽遂遷江左源流不惑次序無

疑

臣

荷蒙

恩寵

錫命光祿大夫遵照事例謹繕寫譜籍一通并具

婚媾職狀進奏以

聞

峕

貞觀十一年戊戌

仲春月

日

道觀

謹按唐太宗膺大命於六朝兵革之

後爲三代下賢君閔天下之人民氏族失  
傳世系多紊詔凡公卿大夫士庶之家各  
呈姓氏譜牒來由復命高士廉專掌其事  
作氏族譜志計二百九十三姓六百五十

三家定爲九等所有奏呈族譜悉藏秘府  
浸遭安史之亂譜籍蕩然無存我舒姓譜

牒幸

讚

公表奏進呈外復錄得副本存家

流傳至今子姓日繁會修匪易奈錄謄雖  
多筆墨叢雜不無訛闕模糊之憾觀思五

千餘年宗譜表存亦有一千二百餘年幸

猶獲全誰思寶貴誠恐時移世易愈傳愈  
遠散失而不知所惜追求而不知所宗如  
進賢舒芬文節公修譜由梓溪而上溯北

山只知八世由北山而上世次皆不可考  
用是滋懼因徧借諸新舊抄本校前增後  
可修者不敢卸肩不可修者不敢越俎爰  
鳩工刊刷裝訂成帙將分存於各祖祠  
及紳士家以廣流傳俾後之各族各支有  
志合修分修者得所依據庶幾窮源上見  
星宿探本親詣扶桑不致嘆於數典而忘  
也則幸甚

叔子公一百六十四世孫

道觀

謹識

舒國姓譜源流辨正

一舒本羲皇後裔自叔子受封紆國左傳與正義諸書載已明析茲取廬江世傳古本較諸鑑史君臣代數悉皆符合自是太皞伏羲之後無疑

子古通慈

一古譜載叔子一名均所誌事實多奇怪駭俗自周以後修家譜者嫌其語誕不經屢七節除今遂失傳時亨謹按叔均乃黃帝時人蚩尤作亂黃帝乃令應龍攻蚩尤於冀州之北應

龍蓄水蚩尤縱大風雨黃帝乃下天女曰魃

能止雨遂殺蚩尤魃不願復上天所居不雨

叔均言於帝置之赤水之北魃畏見逐時亡

去叔均爲田祖令魃神北行教民墾種先除

水道決溝瀆譜中前人所刪者想必多如此

類是可見古人有大功德乃得受有封國其

傳世乃能久遠若此厥後帝嚳生后稷

卽周之始祖名棄

稷弟台胎璽生子亦曰叔均繼父播種作耕

是蓋慕我始祖之名而名之者也

以上皆見山海經

一舒姓諸譜因未得廬江世傳古本遂託始於秦漢以來涇陽君之後或郡京兆或郡平陽上黨却亦是廬江分派無庸辨論只因左傳所載鳩庸龍蓼鮑各氏諸皆冠以舒字而傳註原載偃姓苦難着落遂妄臆偃舒皆皐陶之後皐陶爲赫胥之後致使羲皇真派混淆不清頭旁安頭疑益傳疑旣不能取信於己安能取信於人寔當時輯譜秉筆者之過也

一舒姓稱廬江郡蓋本肇封紆城國地而名之者

也後稱爲京兆郡則本九十四世孫泓公秦封  
爲涇陽君及長子隗襲職而後名之者也復稱  
平陽郡則本隗之子靚爲秦左庶長佐滅齊功  
封爲絳大夫而後名之者也又有稱上黨郡者  
乃朝歌守將名睢佐滅義渠功封於潞子孫居  
潞而後名之者也三郡皆祖廬江遷派甚繁其  
他有天水廣平河西三郡亦稱舒姓寔是赫胥  
氏皋陶之後

一鳩庸龍蓼鮑概稱羣舒左傳雖註偃姓而實不



盡偃姓蓋繇我叔子公肇封爲紆地正初法義  
祖以龍紀官因有龍氏繼又尊顓頊帝制以鳥  
紀官因有鳩氏各冠以舒明不與他國之龍氏  
鳩氏混也至於庸乃上世庸成氏後裔夏后相  
報功益封爲紆國附庸者蓼本臯陶之後或原  
是紆國所轄大姓杜註在安豐蓼縣惟鮑未詳  
一說鳩庸龍蓼鮑爲紆國五姓大臣鳩氏掌地土  
民事庸氏掌宅居道路噐用龍氏掌川澤舟楫  
蓼氏掌山林草木鮑如周官作鞞掌鳥獸皮革

上古無布帛而皮革之用尤廣是亦可以傳信  
譜故兩存之但左傳於五姓外尚有龔宗巢諸  
國亦在羣舒之列因家譜未載故未採附入

一舒姓出自舒國古今天下人所共知也而京兆  
郡各譜載一世祖叔子均公以下誌世系誌旁  
支頗詳獨於襲封一事竟置不道豈以大夫不  
敢祖諸侯之意而故諱之耶抑以魯頌荆舒是  
懲一語而故棄之耶傳世旣遠當思尊祖敬宗  
事有可辨不辨則爲不孝按義皇神農皆都陳

帝嚳湯王皆都亳而紂國淮河皆在邗畿千里之內奚斯爲魯作頌乃敢一斥曰淮夷再斥曰淮夷南夷一味矜張絕無宣王召穆公忠厚詩意可謂無法况魯從齊伐楚未嘗挫楚分毫何能兼懲荆舒碌七依人鮮有成績未幾郟同諸國聘楚朝楚等楚附庸而舒國較魯傳世有數倍之久我舒人仰思祖宗國祚如此綿長正可藉相慶慰諱固無庸諱也棄亦無可棄也

一屏山舒派源是廬江郡向日修譜皆從京兆郡

舒塘池陽石埭各處合修而來非廬江郡舊傳  
之譜派也前明我良朋公經商江北彼時舒

姓宗人喜與交遊欣慕我屏山舒派人丁之繁  
科甲仕宦之盛因出其祖藏譜二本相示據說  
從前兵亂首本失去二次皆以貲贖回揭開次  
卷載舒城支派自一百零一世起覺是宋人抄  
筆及後人續附者未及細閱其首卷譜頗大字  
體亦大類如許慎說文而字畫較繁歷載紆國  
肇封傳國世數及歸楚國之顛末可惜前後破

損不全真周世所譯漢世所釐之老譜也因求  
借抄而歸如獲重寶輕易不肯示人既而高祖  
其芳公重修屏山舒譜取古本今本輯合成帙  
而世系事實始全金正希先生序述甚明旋因  
國事變更寢藏未梓時亨向見此古譜難得手抄  
又將五十餘年矣常懼久後失傳祖功宗德湮  
沒茲檢出細校刊存本族因溯我朋公芳  
公得譜輯譜之由俾知無忘所自

一紆國世傳古簡悉是夏商以前龍鳥科斗篆字


人多難曉周康王時有裔孫舒賢爲王朝上士  
能曉古今字體取古簡所載列祖名諱事寔逐  
一譯出可惜周文旣易而古篆無存旣失傳信  
之真今觀祖諱有若諱若讓若廢若訐者仍未  
能曉或乃竟以詣曠廢訐等字代之亦失傳疑  
之意茲仍舊字不易存質後之博古者


一舊譜載有侯爵王爵之稱熟思之恐有溢美茲  
於王爵侯爵皆畧不誌

一譜中所載攸忻未詳何地或改作岍岐二字似

是而實非蓋岍岐在西方何得役及南方諸侯  
恐所改未安茲仍舊俟考

愚臆岐忻或是汶沂二字之訛







修譜義例

一修譜所以正姓氏古者天子建德因生以賜姓蓋有天子功德遂因所發祥之地爲姓如天之所命然子孫世代相承不易卽傳所謂姓者明其祖之所自出也其或有功德爲天子所重胙之士而命之氏子孫遂因氏爲姓卽傳所謂別其支之所由分也是故古皇姓氏多以德以地及山水其次以國以謚以官又其次以字以行列其餘如東門北郭則以居三烏五鹿則以志

巫匠爰陶則以業其他如筮卦指物爲姓者亦是事也若我舒之姓氏則以國而所傳又最古閱譜自知不閱譜者亦共知之也

凡事關天下者爲本紀有國統者爲世家其次爲列傳原祖宗之所自出辨昭穆之次序者爲譜牒若我舒姓宗譜傳國三千餘年備歷三皇五帝三王之久卽謂爲世家也亦無不可

譜者普也非徒別同異序昭穆所以尊祖敬宗睦族敦倫普昭先德普訓後世者也但世遠則世

序忘支分則情渙故譜必十年一修易世一修以爲繼志述事之美庶免渙情忘序之憂也

祖宗木本水源弗易明也子孫支分派別弗易辨也弗明弗辨固不足以言譜卽能明矣辨矣而不足以厚風俗敦教化者亦不足以言譜

朱子言人家三世不修譜爲不孝譏忘本也忘本者甚至喜不慶憂不弔視親族如路人相率而爲不仁不義之行其去禽獸也幾希

世遠者其情易疎族繁者其宗易紊故必賴譜以

明之上可以遡世系於既往下可以聯族屬於  
將來而厚風俗敦教化之道亦在其中

譜牒不修必多冒姓之弊卽如王氏一也而有元  
城榮城宜春之分劉氏一也而有陶唐元海奉  
春之別馬氏一也誰辨其爲馬服之馬七矢之  
馬石氏一也又孰辨其爲周衝之石後趙之石  
也耶此譜之所以亟宜修也

譜與史異史尙謹嚴譜貴精核謹嚴無法則亂精  
核無式則迷是以譜牒必先錄目以便鑒布格

以示式述事以存真討古以徵確載德所以綿  
世澤紀功亦以振家聲

族之中有貴有賤有富有貧有賢有愚有衆有寡  
有強有弱其勢斷不能齊惟以祖之一身視之  
則千萬人之身皆一人之身也以祖之一心推  
之則千萬人之心皆一人之心也溯其源而澹  
其流何非一本之所生一身之所發故凡族中  
有事必先去勢而言情自無貴富貧賤賢愚衆  
寡強弱之紛異矣

族之中間有不持門戶悲同藥卻者必其鮮克由  
禮而怙恃滅義者也間有克自振拔無忝所生  
者必其古訓是式而納身軌物者也故處比閭  
族黨之間寧朴而真毋華而僞寧恭而有禮毋  
傲而自矜寧仁過而爲君子毋義過而爲小人  
慶弔必相及也有無必相通也患難必相救也  
守望必相助也過失必相規也善行必相勸也  
如此則宗聯遠近所親不疎所厚不薄風俗繇  
斯而美政教繇斯而醇祖宗之靈亦繇斯而慰

矣是譜牒之有益於人心也大矣哉

一修譜所以尊祖考故必紀其名位行事於本位之下且紀其配某氏生幾子始得畧詳及其歿也則當誌其葬某山某向分塚合塚附塋碑碣墓誌以及墳山之大小悉書之庶免後世混侵冒佔之弊

一尊祖考則當載祠堂祭祀產業及祭器例規等款逐一書明庶便於世守遵行亦可免強詭侵蝕盜賣之害

一修譜所以辨昭穆正名分書行次序少長也書諱并號別其名之同也書生歿葬祭隆孝享也書聘娶重婚姻也有上中下殤者書早逝乏嗣者書無傳出繼者書出繼某爲嗣入繼者書以某人第幾子入繼重本源也若不能自贍而衣食於人者曰過養於某辜恤之也不能自拔而奴隸於人者書曰流下其他不遵祖訓動忤國法者亦可書曰流下以示懲倘有經逐出祠堂則削其名不書必俟厥後有功德而後乃書



一修譜所以昭前烈明先德激後嗣也故凡有仕宦者必特書之更有多福多壽德行隆重暨諸聰明豁達才藝超衆者悉紀實於本位之下若揚善未足則揭而表諸譜首

一修譜所以重世守故凡有家傳家訓祠堂宅圖墓圖容像容贊贈辭上及

誥命坊建功業文章皆當並列入譜中以為舒氏文獻

一修譜所以正名分敦倫常凡祖考諱皆稱公子

姪稱郎兄弟稱字伯叔則書第幾伯第幾叔夫  
婦亦當稱字諸姊妹同

一妻有嫡庶之分名分所由關風俗所由始不可  
忽也故結縭伊始爲嫡妻與夫齊體者也則書  
配書娶若再娶則書續三娶則書再續末續若  
妾則分卑不敢與妻並只書納書側室以示正  
名定分之意

二繩婦德所以重人倫厚風俗也故有賢德之婦  
貞烈之女則書姓書字書生年月日時歿書卒

或沐 恩建坊入節孝祠皆特書之餘止書姓氏從乎常也

一修譜書遷居所所以杜冒宗絕後患也昔者郭崇韜認郭子儀人譏其冒狄青不認狄梁公人服其高我舒姓族繁歷代各有遷徙且有分遷改遷及新遷者若不查實明白不得輕收入譜庶免時人譏議

一修譜錄文翰所以顯祖功揚宗德也歷世以來史傳金石經義詩詞古文以及族中會序祭文

聯對并凡機織精粹純當者皆當採刊譜中題

曰舒氏傳稿

老刊之譜予未及見聞說先祖 鏞四公擬修譜

有序及各房各先達亦多作有譜序緣分藏於

紳士家路遠不能借到後有修譜者務搜羅補

刊載入譜首可也


丁未補刊

一修譜義例甚多凡有所不及擬者及擬有所不  
及載者皆因路遠無徵抄本不全譜師催刊期  
迫三旬之內稿凡五易而工亦漸告竣愚陋闕

畧諒多不免耄昏之人不敢言勞實亦不敢謝  
過也

屏山舒派百六十四世孫道觀謹識





黟山源流辨正

下未補刊

舒時亨

古人以黃山有三十六峰奇秀不可名狀其山石皆黟黑色遂取名黟山隸黟爲黟縣來龍而不知乃黟縣之去脉也至唐始知其誤因有黃帝煉丹諸古跡遂改黟山名黃山時亨按黟山托始於鄣昔者禹王治南条水至大鄣山稱爲三天子都迄今猶有巨碑刻四大字存於山上但不知何人所立漢時以徽爲鄣郡實因此山而得名也鄣之南屬婺及樂平以廣信河爲限鄣

之西屬浮梁東鄉下及景德鎮皆是鄣之東北  
向時休祁未分山地皆爲黥所轄跌楠木圈西  
武羊棧右邊先抽一枝至屯溪次抽黥縣龍九  
畝龍又抽龍至休城外東夾溪止正幹過雙嶺  
抽松蘿天竹又過查木嶺閃分入歙界而金陵  
蘇杭皆從此出人遂以爲三天子都之應焉以  
上皆黥山之右支而直幹正過查木嶺起雲門  
跌湯嶺聳三十六峯東行至太平府及采石沿  
江而上皆黥山之正出者也黥山由西武北行



南抽一大枝過大鴻嶺分九華出池州逆回至  
湖口縣與匡廬會合作一大迎送中包江西全  
省之水出鄱湖沿江而下凡內外郡縣皆黟山  
之左派也秦分天下爲三十六郡惟時州縣無  
多黟屬浙西黟屬歙州漢武帝立爲丹陽郡我  
駿公奉命治丹陽因愛黟山奇秀始遷春谷傳  
有三女登仙之蹟特以古今地名多易按我黟  
之吉

陽現有三姑尖三聖潭三姑園名多可據則春

谷在今之桃源樵貴谷以內無疑據池陽譜謂  
駿公遷春谷上沂地名七井平原在石城東七  
十里又卜居猷州蓋山下

卽石埭

轉遷壩上其後

仍分居七井是爲池陽始祖但黟山縱橫千餘  
里凡七井石城猷州蓋山寔黟山之內鳴支隴  
卽池陽亦黟山之邊疆其居其遷可弗深辨亦  
可無容深辨第取仙蹟爲據可也

舒逖上譜表

補

晉成帝咸康二年丙申三月詔索天下譜

尚書右僕射舒

逖

言

臣

等曠世奇逢奉

詔品量分別姓氏

臣

承伏羲之後裔孫叔子一名

均黃帝命爲田祖少皞封爲紆地正籍地爲氏

至禹王始得錫爲舒姓受封子爵郡系廬江迄

世祖舒泓仕秦封涇陽君郡系京兆及世祖舒

駿漢元狩二年爲丹陽太守因南遷而居焉子

孫蕃衍世代衣冠以

臣

無功蒙命除授東海太

守超擢尙書右僕射臣朝夕悚慄深懷覆餗緣

奉

詔式謹治舊譜婚宦職狀詰

闕拜表以

聞

外邢廣宗勘譜奏章未錄

屏山舒氏宗譜序

下未補刊

傳稱天子建德因生以賜姓胙之土而命之氏蓋姓以別氏氏以別族古制也所以維風化也黃帝二十五子得姓者十四其或以所封之國爲氏所居之官爲氏或以祖父之謚兄弟之序爲氏後世乃以氏爲姓姓氏紊而風化因以漸澆秦漢以降有賜今姓而遞舍舊姓改已姓而冒稱他姓尤有甚者同姓婚而不禁其背戾益不足道風化旣衰譜牒所以不可無作也舒本

伏羲之後子男之國魯僖公時見於詩書於春秋相傳今之舒城爲故封地恐不止是當時楚強周弱以致漢陽諸姬楚實噬盡齊雖伐楚無損於楚厥後晉霸衰凡宋魯鄭衛之大而遠者尚且朝夕聽命於楚又何論乎舒之近而偏也傳國三千餘年古今罕覩漢唐以來宦顯丕著觀舒君元輿相唐竭忠固進士元褒之從兄也厥孫名德輿者避黃巢亂來爲黟東屏山始遷之祖可謂能擇地而蹈矣今者舒之枝葉駢蕃

第屋連雲青紫交映誠巨族也有永樂辛卯鄉  
進士泰重修家譜來請予序予思祖孫父子一  
氣之所連也伯叔兄弟形氣之所分也始則同  
室而居吉凶苦樂相慶恤迨一從再從迄於無  
服無服則親盡親盡別情盡此休彼戚豈有素  
越甚至富而驕貧貴而傲尊紊昭穆之序昧彝  
倫之常大乖風化禽獸弗遠故必賴譜牒以昭  
其分而聯其情吾聞浦江鄭氏同居共食者十

一世

天朝始旌其閭復蠲其役所由別淑慝表風聲  
將欲鼓斯民而羣化於善也茲閱舒譜列派儼  
有五世同堂之誼誠能轍其軌而躡其跗分形  
連氣如鄭氏之同居其爨咸尊所尊親所親長  
其長幼其幼孝弟之心油然而生愛敬之實見諸  
行必亦上邀旌閭蠲役之典則譜牒之有裨於  
風化也大矣哉

皇明正統七年壬戌孟春月朔

賜進士兵部尙書休邑程信書



重修屏山宗譜序

丁未補刊

人言宗法不立天下無世家以矣吾謂宗譜不  
修天下必將無世系也祖功宗德既無以昭於  
前孝子賢孫又將何以紹於後徒憑所傳異辭  
所傳聞又異辭以且失真而無以爲信必致疑  
益傳疑而無以爲徵家失淵源人漸忘本豈所  
以爲教哉此三代而降所由必重譜牒也我舒  
姓鼻祖始於叔子肇封廬江將及百傳至駿公  
在漢爲丹陽太守裔孫繁衍遷居各省如元與

元肱元迥元褒俱登進士守謙爲秘書郎師錫  
仕吳越爲天龍將軍分居江浙等地歷七可考  
我祖德輿公卽元褒公之孫始遷黟長寧屏山  
寔一代始祖也嗣裔滋蕃科貢甲第相望仕者  
不可枚舉蓋皆由祖宗功德之所致不有譜牒  
何以正其本聯其支而垂範後世哉自漢及今  
中間多變譜牒散佚我族伯鄉進士志同公嘗  
一修之而未詳葉茂枝繁難究其本支分派別  
誰溯其源况又蘭芽競茁筍班駢生不重修之

將致漸久而漸淆矣成化十五年予謝仕歸田  
乃約諸宗人輯修舊譜刪淆伐舛稍有次第增  
入序議一篇凡例六條并及傳志家訓遺像宅

圖墓圖增入諸款今皆失傳俾爲後裔者知世

得當求前烈當紹世業當守遠派當收豈徒矜

閥閱■誇蕃衍也哉先世有功業得傳當時後世

承德澤保大今日以廷音之愚不肖亦得廁名

於譜凡我同宗尚因是興水源木本之思篤尊

祖敬宗之義以叙彝倫以敦風教所繁良非鮮


淺也幸相與勗之哉

峯

皇明成化二十一年乙巳歲秋七月中元日

貢授浙江道嘉興府桐鄉縣儒學教諭

屏山舒派二十一世孫鋪廷音拜書



三修屏山舒譜序

丁未補刊

人有祖如木有幹一本而萬殊也宗有族如川  
有海萬派所同歸也家有譜如國有史繼世所  
當修也譜不修則族不辨族不辨則倫不正倫  
不正則誼不聯誼不聯則祖不尊故修譜必先  
究其姓氏之根源衍其族派之次序歷朝世系  
分明乃可以爲譜矣舒之先自叔子均受封爲  
今舒城皖城各縣地歷皇朝帝世下及周末而  
後始臣於楚秦傳國以遠譜有明徵迨漢駿公

弱冠有賢聲廬江郡守奉詔首薦賢良初任下  
邳令地确民貧征斂煩重法令苛刻百姓難供  
駿公導民日墾潦田及圩之沮洳盡爲膏沃由  
是歲供不乏民安其業乃謠曰我有田疇百千  
萬億十有九蕪誰爲之計我有賢牧慈祥愷悌  
躬爲調度規畫以備庶民子來厥初告遂且耕  
且漑民獲其利刻骨鏤肌垂千百世秩滿遷郎  
中歷任都尉庶務畢舉咸稱其職值武帝改鄣  
郡爲丹陽遂拜駿爲丹陽守當是時宣池未分

皆所統隸至三國吳改新都及晉太康改爲新安卽今徽州之故境也下車初寬公賦蠲私負  
養老恤孤慎罰明禁涖任九年教行政孚秩滿  
不回籍居歛黥諸子皆登顯宦後各因官便分  
遷嚴宣各處惟六子齡椿薦博士奉父命仍回  
舒城當時父子公孫文獻一家恒著有詩文行  
世還念蘇武李陵司馬遷等同爲一殿之臣因  
見時事變更遷居之後每託詩文以抒感慨手  
錄之本致易失傳椿公之后有名德輿者與從


兄弟德與德興避黃巢亂同來歙黟而德興公  
擇遷屏山長寧郎我一族之始祖也數世以來  
孫枝蕃衍科甲士宦不可枚舉千里之牧百里  
之宰各有賢聲賴上世積德之深遺訓之嚴故  
能弗隕厥問恪敦倫常行禮祠中祭祀弗替今  
者重修舊譜將役工鉞梓永爲世珍俾知族明  
則序正序正則義存仰體祖宗之心共振詩書  
之緒正表鄉閭謹守國法無竊吾祖之宗支與  
人此罪莫贖慎哉戒哉



告

皇明萬歷元年癸酉望後日

屏山舒派二十四世孫天成養素子拜書



上海圖書館藏



上海圖書館藏  
上海圖書館藏

屏山舒譜四修序

下未補刊

族之有譜所以紀世系序尊卑睦宗族也自宗法壞而譜牒作士大夫家知禮義者多自爲譜乃或遠無徵而祖之近可考而遺之此譜之所以未克成也舒姓封國始於叔子均地屬廬江傳世久遠宗族蔓延四方迨唐德輿公避亂始來遷黟屏山之下及今八百年廿七葉矣子姓繁衍科甲榮顯不可枚舉而田宅之盛冠於一邑其間若徙若贅若宦若商外適者又不知凡

幾也予族有譜舊矣自得姓之祖而下或失則  
謬自始遷之祖而下或失則畧翔等乃於暇日  
收及遠宗熟閱家譜嫌有牽合附會蕪蔓乖舛

諸弊恐非所以傳信也先是正統間鄉進士秦  
志同公修之弘治間教諭鏞廷音公修之隆慶  
間教授貴一山公修之雖各輯錄成帙未加釐  
正茲族長恐世久漸訛命裔孫卽墨令侃暨予  
等重加修輯未備者增之可刪者削之不蔓不  
支一遵歐譜精義數年始克就緒彙錄存梓自

供清賞八面峰巒俯繡楹賓客登臨無俗韻兒  
孫羅列有書聲梯雲接月蟾宮近好把鵬程付  
後生




龐

琪

吉水

桃源深處是君家高閣沉<sub>匕</sub>靜不譁萬壑清風  
生座席一天星斗露心花遺經已見牙籤富蓄  
德應知慶澤賒聖代於今收隱逸會看徵詔入  
煙霞



吳

寧

層檐高構倚名山瀟洒應無塵俗干得月溪邊  
偏覺早摘星天上不知難雲屏洗雨三春秀石  
澗飛泉六月寒最愛主人清興健悠然胸次共  
天寬

劉

烈

萬安

千章喬木蔭屏山百尺危樓隱約間濃淡晴陰  
青點染高低秀色翠迴環良時風月懷偏壯午  
夜星辰手可攀未許此中耽痼癖徵書旋見賁

鄉關

得姓之祖而下其世系分明支分派別固不失  
之謬也自始遷之祖而下其事寔可據枝繁葉  
附亦不失之畧也揭統派於前明根株之有據  
載支派於後見流裔之實繁詳於本支所以聯  
親族旁支不殺存以徵外出中間有爵祿者必  
取而錄之有喜慶者必書而載之昭前烈亦以  
勵後裔庶幾祖牒明而宗法可尋不以分殊揆  
其勢而以本一聯其情孝弟之心油然而生而  
尊祖敬宗睦族敦倫之義胥於譜乎在

告

萬曆六年戊寅孟秋月

二十五世孫

倫邦教  
翔鳳岡

仝修拜撰





五修屏山舒氏宗譜序

未補刊

休寧

金聲

今人家政可勿如國法之森嚴也今人家乘當勝於國史之詳核國史首紀三皇皇名至今難定而謂古來皇子皇孫能一一而紀其寔不誠難哉即能紀寔繁莫可詰見者不疑其誕必疑其誣此國史所以踈畧而不必如家乘之詳明也屏山舒氏宗譜載始封叔子公實本伏羲氏皇孫傳其初臨紆地也尊民重事爲而不有物而不拘毓材以致用禮幽以任衆紆地消也紆

民紆乚以致傳國最長其間皇而帝帝而王閱  
歷世代幾遍洵非羲皇莫能德庇若是遠也舒  
國世傳簡策遽載龍鳥科斗之形字畫怪僻人  
多難曉周時有支裔名賢者能曉古來字體因  
取舒姓傳國簡策逐世譯名逐名譯其事寔更  
註以周時所變之字體而古體字簡竟無從稽  
查此亦如經文既譯今字而古來書字竟湮沒  
無傳誠可慨也譜載始封紆國地正是爲廬江  
郡舒姓次受秦封涇陽君是爲京兆郡舒派次

又受秦封絳大夫是平陽爲郡舒派迨漢駿翁  
爲丹陽太守愛黟山奇秀遂南遷歛黟旣又分  
居石埭池陽各地原原本本厯厯詳核所以晉  
世有尚書右僕射舒逖表奏家傳譜牒會經尚  
書左著作郎邢廣宗勘明唐世又有光祿大夫  
舒讚表奏家傳譜牒復經中書舍人郭宏勘實  
是知舒氏宗譜固歷朝校正之官譜非若他姓  
肇自周漢而下修譜藏家者所可比聲幸託  
卽墨侯舒老夫子之門墻日暇蒙示續訂宗譜

敬披之下得悉其詳始則皇孫受蔭國祚世傳  
繼則縉紳輝映簪纓世美近又書香克紹流芬  
世傳名宦碩儒後先競起高山仰止在斯家聲  
丕振在斯蓋嘗神遊於吉水屏風之間知此地  
靈人傑繼繼繩繩益可卜其世德世美世傳之  
光大

休邑門生金聲頓首拜書

合郡重修舒氏宗譜序

下未補刊

家之有譜猶國之有史譜也者譜其所自出亦  
及其所由分也而世系因之以著昭穆因之以  
辨有親親之仁有尊尊之義有長長幼幼之禮  
有善善惡惡之智而又有繼往開來之教譜可  
弗修修可弗慎乎舒自叔子均肇封傳國暨泓  
公轉受秦封世代悠遠脉絡分明迨漢侍中駿  
翁元朔間來守丹陽迄今千數百年自委祖源  
厯有端緒蓋魏晉唐有中正之設國之選舉家

之婚媾必考譜牒爲準故舒氏之譜在晉咸康  
二年旣表奏之唐貞觀十二年又表奏之則今  
日之重輯固宦譜之遺也予待罪中書適奉命

茲土侍御舒

箕

先生續修郡內宗譜成致書徵

序詒其後裔因發其意曰甚哉修譜之難也非  
其祖而祖之是誣其祖祖而弗祖之是遺其祖  
彼誕者遠緣古昔以爲博誇者支駢宦裔以爲  
華皆君子所不屑也故詳其所自出必據其所  
可信聯其所由分必考其所可知弗信弗知者

姑闕焉非徒記名諱備考索博婚宦爲誇示之  
具已也承先啟後昭茲來許匪世族之爲難寔  
世德之足貴俾知三皇時賢者若而人五帝時

賢者若而人漢唐宋時賢者又若而人今日之  
宗祖皆昔日之子孫也今日之子孫又后時之  
宗祖也世德作求昭穆有序親親而仁尊尊而  
義禮以秩之而長幼嚴其分智以辨之而善惡  
默其衡舒氏之宗不亦克克也哉此待御之意  
也特書以貽舒之後人

皆

元仁宗皇慶元年壬子一陽月浙江行中書省齋  
旨宣慰江東等處

豫南定菴趙天民頓首拜撰





合郡重修舒氏世譜序

下未補刊

姓氏之記其來遠矣有虞氏別生分類而世系明周人有小史職辨昭穆下至春秋則有世本漢有官譜晉有族姓昭穆之紀周齊以來乃設圖譜之局四方以家狀來上者官爲考訂藏於秘閣副於有司而選舉婚媾悉於是考焉宋廬陵歐陽氏眉山蘇氏皆有譜而爲法不同歐譜則世經人緯若史氏之年表蘇譜則系聯派屬若禮家之宗圖後之言譜者莫不以二家爲準

吾族自漢待中駿公遷居丹陽迄今千百年來  
散處於江右而淮歙黟宣池姑孰之間繁夥難  
計惟郡內支裔其宗譜嘗修於宋淳熙四年丁  
酉名次不齊得失相半不及今續之則繩屨緝  
屨何以序昭穆辨親疎致宗祖之情哉近來國  
步多艱閩南靖猷公表請朝廷明譜系以收拾  
人心未果行余初仕天章閣侍書隨遷秘府掌  
記王言得據典要今居制將闕不自暇逸叅對  
考校伐舛訂訛其派行緣由遷居實跡符合者


悉爲編入否則不敢牽合蓋人之爲道仁義而已自仁率親推而上之至於祖恩必漸殺是以有五世則遷之宗聖人不以爲過於薄也自義率祖推而下之至於親義不可廢則有百世不遷之宗聖人不以爲過於薄也遷以示其異不遷以著其同同本異枝勢必然也若棄仁義則勢遠情踈視親族如路人喜憂不相慶弔名諱不相通問何取於譜之續爲繼自今族裔受譜之後各綿世澤各勵職業光乎前而裕乎後不

以踈遠而世好益敦焉是愈拳拳之望也族人士咸勉之哉

昔

元皇慶二年癸丑春正月

嶺西轉運使裔孫似愈拜書



姓氏譜論

下未補刊

姓氏之書古右史之載記也。洪荒之世，遼藐難追。降及庖羲，女媧指風肇代。神農黃帝，因水著宗。唐虞以來，姓氏益著。三代而下，姓氏益詳。天子則因生賜姓，胙土命氏。諸侯命諡，爲諡。因以爲族。是故世之姓氏，有因德者，有因國者，有因居地者，有因食采者，有因爵者，有因事業者，有因因王父字者，有因先世諡者，姓統其祖之所自出，雖百世不更氏，別其祖之所由分，或數傳一

易合而曰族宗派有主分而爲氏婚媾羣宗此  
中古聖人之定制也漢司馬遷歷稽譜牒以成  
其書分別姓系尤勤後之言譜者並資爲據是  
時有姓氏官譜而應邵王符之徒皆著成篇迨  
至魏明寘州郡中正立品設格以求人才第上  
族以爲方司格晉宋因之爲譜局有司選舉必  
資譜牒而譜官定矣摯虞首撰昭穆十卷賈弼  
劉湛王僧儒何承天輩著書多至數百篇少累  
數千萬言而譜學盛矣江表僑姓則右王蕭謝

袁東南吳姓則尚朱張顧陸關中郡姓則重楊  
杜柳裴山東郡姓則先崔盧王鄭代北虜姓則  
貴元干宇文長孫而譜姓分矣世有三公爲膏

梁合僕爲華臚尚書領護甲而方百乙散騎常

侍丙而部郎丁官有世胄譜有世宦而譜品精

矣齊晉秦吳氏於國尹房樂陸氏於家東門地

郭氏於居後魏遷洛有八氏十姓咸出帝族又

有九十三姓世爲部落中原士大夫家有郡姓

州姓縣姓之分而品望之號詳矣山東盧鄭王

氏二崔二李之徒負其閥閱增價賣婚而婚財  
之制別矣唐之牒記始於太宗改於高修於中  
而定於開元曰誌曰錄考諸史可証也降及五  
代干戈廝役當徒衣冠掃地趙宋惟憑才學取  
士不矜門胄譜學於是遂微幸值大元御宇混  
合華夷譜牒於斯爲盛夫姓氏於人猶衣服之  
有冠冕水也木本源於是乎發根本大則枝葉  
自茂淵源長則川澤自深倘具衣冠紳履而毀  
裂倒置則身何足貴伐本塞源而支條又何由



達也所以古聖人統萬類叙彝倫賜姓命氏區  
其貴賤親踈爲子孫立無疆之訓俾因姓氏而  
興起知吾身皆聖賢王公達宦之所自出其德  
功言既有立於先必無忝所生夙興夜寐思繼  
於其後此譜牒之設乃明君勵世之一大機也  
余舒氏本伏羲之後封國始於叔子地轄廬江  
繼有稱京兆平陽上黨三郡卽皆廬江郡之支  
派也迨漢駿公守丹陽遷丹陽遂爲大江左右  
各郡縣分遷之鼻祖綿亾延延簪纓弗替將來


身山會其完言  
名又  
丕振家聲光大門第更於賢後裔是望

昔

元至大元年己酉秋八月望日

翰林院承旨預知制誥掌貯國史

池陽裔孫希晦若邕拜書



紂國叔子公受封傳


下未補刊

孔安國言伏羲氏之王天下也始畫八卦造書契以代結繩之政其時人居不知所爲行不知所之鼓腹而遊含哺而嬉晝動夜息渴飲饑食莫知作善而作惡人皆不知有姓相傳因母爲姓故姓從女生自庖羲藉風著代爲姓所自始子孫封於任國然考諸僭耳無腸亦皆任姓國也傳志叔子受封爲紂地正其名與事皆怪僻難曉有裔孫賢爲周康王上士佐畢公保釐東

郊能通古字因譚訓今字義載其涖紆也爲而不有物而不拘以致紆地之民涖也紆也後改紆爲舒即今廬江郡因地以爲氏因氏以昭姓厥裔芒臣頊鼎嶷臣譽欣諫堯履與協助夏樞佐湯釣翼武王泓封於秦駿顯於漢歷晉唐宋以來衣冠輝映世守一氏而不變發源長而流光遠下視錫姓於皇王之後者難與爲眸矣荀賈何裴品第中原巨族著八傳五誌十二例彰也  
可考徒溺於世不相及書難盡信則典謨胡

不湮於今訓誥又何以傳於後也求其姓之古  
如舒者難而又難矣

閩海道泉州府教授 吳龍乘雲書





涇陽君泓公實錄

下未補刊

公名泓字元量厥考毓公仕楚時戍桂陽以捍邊圉有功封桂陽君公其季子也仕楚爲陟秘郎轉穀邑大夫時於越構東夷爲亂復遷爲越大夫戍越尋仕右卿值遊說之士導楚親秦當國者俱主其議泓抗言曰山川國之形勝也秦有重關之險楚有巨浸之川彼所恃馬我所恃丹水陸形勢各相爲用况楚兵賦百萬粟支十年進可戰退可守秦縱能驅精銳越千里而凌

楚主客勞逸不同其利害有可預決者今遞信  
人言倡五國以親秦七獨居南面之尊而北面  
處我譬持千金以易一笠豎子所不屑也臣竊  
爲王羞之王不懌而罷嗣是讚言日甚懷王禮  
遇日踈右大夫申泝灑邑辛文俱避讒適秦備  
稱公賢秦昭襄遣使聘楚陰餽厚禮聘爲客卿  
公見機明決自揣禍將及身因舉家適秦昭襄  
迎之館詢以兼并之術公以首取忻代次收韓  
魏繼并燕齊爲對及問取楚之險要形勢所當



先公對以楚可連和不可威并又曰臣世隸於  
楚世仕於楚忘先人則爲不孝背先君則爲不  
忠必欲捲楚而噬之王自有謀國者在非臣所  
忍言也昭襄以此重公言聽計從封爲涇陽君  
食邑七百社


峇

淳熙丁酉夏四月

龍圖閣大學士前經筵講官同修國史

皇朝大典

越東楮懷忠書



Faint, illegible text visible through the paper, likely bleed-through from the reverse side of the page. The text is arranged in vertical columns.

丹陽太守駿公傳

丁未補刊

舒駿翁字配德弱冠有賢聲涇陽泓君之五代孫也漢武帝時郡守楊學奉詔首以公名薦初任下邳令遷郎中轉丹陽太守丹陽即今之徽州路是也下車初寬公賦蠲私負養老恤孤慎刑明禁九載化行政孚因留家焉生五子凡徽之舒氏寔自公始以盛滿爲戒五十後卽引避居休恢基以創鴻圖建宇以垂燕翼塋祖報先課子啟後家庭相接雍雍如也每遇元朔帝辰

聖紳正笏望闕遙拜鄉曲齒尊者恒寄以布素  
恤窮周乏宦後絕無宦態可謂憲也令德君子  
矣厥子暨孫俱登顯宦善屬文工詩時稱舒氏  
文獻一家制有詩文軸行世於今瓜瓞綿綿蔓  
延各郡濟美垂芳詎可數記古人謂積厚流光  
理所必然繩公之武以大廬江之族其愈傳愈  
遠也則在公後裔云爾

元大德四年庚子七月望日

黔南分司鹽運副使汝南巽齋葛志宏書

漢三聖姑紀實

丁未補刊

上古無聖之名至堯舜始有乃聖乃神之號禹則入聖未優湯有慙德武王尙有非聖人之論孔子集大成猶曰聖則吾不能其他非獻諛則溢美私頌名不稱實取長一節從未有沐恩勅封聖號者載觀前漢紀年諸無聖稱卽光武中興猶詔羣臣不計稱聖况元狩之季元氣凋喪諸賢零落何有於聖又何有衆聖之生惟我舒氏三姑不傳聖德早成聖神不生於別朝而竟

生於漢聖不易名也而適名夫女女不一聖也  
而三女皆聖胥出於舒氏之一門且出於厥考  
之一身奇哉奇哉亦且惜哉惜夫兩間靈淑之  
氣不鍾於男子而鍾於女兒不鍾於一索再索  
三索之男而鍾於一索再索三索之女是我舒  
氏之不幸也倘得三男皆聖上佐朝廷既爲超  
前軼後之生逢必能爲超前軼後之事業而乃  
竟鍾靈有<sub>於</sub>三女不誕於他姓而誕於我舒是又  
我舒氏不幸中之幸也 想我羲皇畫卦之初預

知後世有三女之異故成此巽離兌之卦耶抑  
非耶使果預知計三千餘年以來果有三仙聖  
女應瑞誕生然則震坎艮三仙聖男卦兆又將  
應在何代何年也羲皇必將有以詔我也三姑  
採藥遇姥得桃分食及溪而浴化鯉而仙是皆  
人不可知者人不可知是以謂之聖也跡其顯  
靈寰區課晴問雨應禱佑民是又聖不可知之  
謂神也郡守錄績上聞漢成帝勅封三聖龍女  
真仙六朝相沿建廟宋世皇太后病夢三仙女

入宮療疾紹興十七年加封賜額顯濟洪武壬子五年湖廣永州東安來署歛冷以六月禱雪拯疫事問我諸姑而卽應郡守王公奏聞於朝九月九日欽命致祭祀典優隆福蔭無疆

旨

明洪武甲子十七年河南道監察御史

澹齋順頓首謹書

屏山派後裔道觀重校



志道公十訓

一不許入衙門

二不許做狀師

三不許與小姓結親

四不許輸錢賭博

五不許婦女入庵堂寺觀燒香

六不許傾敗祀會祀產

七不許作屠宰

八不許尅剝貪小利

九不許殘虐細民

十不許聽信婦言

身山會... 卷之...  
目造入礮諸礮名列后

通震橋

舒家村橋

西村橋

宋村橋

朴樹灣礮

姚村礮

巖村礮

施家境礮

吾鄉大石梁礮皆

佛六公所造几圈洞石

礮皆志道公所成先選期共一日起工後

又選期共一日完工故云日造八礮

志道公行傳

公事親以篤孝聞友于兄弟喜賑貧乏有田若干頃至歲除窘不自給遇暴露予棺以葬屢造

礪以通行旅時有不順於其親者邂逅遇公殷

殷勸訓之其子感悟遂改行爲孝子殆所謂匹

夫而化鄉人者歟郡邑嘉其行凡九興賓席邑

中丞

宰胡公諱拱宸後陞爲方伯聞公八十壽遣

人壽以詩董公號中峯後陞爲戶部尙書聞公

卒遣人祭以文胡董二公爲一代各臣而禮敬

身山會止完言  
卷一八  
如此則公之爲人可知已迄今子孫卽所居屋  
爲祠堂所遺產及續置租約有一萬數千每歲  
減價糶谷流惠子孫又置有店屋租銀數千兩  
每歲爲族中費用是所望於司會者賢則盈餘  
必益多也



屏山樓詩

志道公構屏山樓成遠近諸紳宦來遊來歌詩多成帙寶藏幾五百年族中全無知者近來首禾姪孫赴任江北偶得之購古書擬奈蠹蝕過半修殘補缺未周時享幸復濫訂刊列譜中以見 祖宗功德之所在秘護之所存

金宗顯

休寧

百里桃源繞山樓得趣深  
雨晴宜晚對花月恰  
春臨景物供圖畫雲霞自古今  
何時重載酒來共倚欄吟

陳素

卜築園屏下東山別帳橫  
雲開峰獻秀琴闕竹

搖聲嵐氣通牕潤風光入座清舒懷吟咏處恰  
有石泉鳴

朱子福

屏列邑之東樓聳倚山勢簷棟若翬飛牕櫺多  
雅倩花木四時春琴書一生趣偉哉蘭玉英早  
遂青雲志

拙齋

挿屏雲漢裏樓構共屏高欄倚游心息窓開望  
眼勞嵐光浮翠幕草色映青袍萬古鍾靈秀綿

綿產俊髦

胡拱辰

景泰三年由縣令赴貴陽舟次桐江補錄舊題詩寄呈舒志道姻台

樓外佳山列畫屏樓中榜字襲山名泉垂一道

流千古月到重筵夜四更中日何須圖孔雀

妹爲繼室

遷喬應好聽倉庚青雲近在闌干曲玉筍班聯

曲曲成

萬

祥

豫章

山畔危樓實壯哉環樓面面畫屏開嵐飛空翠  
浮歌席松落晴陰浸酒杯舉袖上揮星可摘倚

欄低視鳥飛迴其中多少窮經客取次登瀛侍  
鳳臺

趙

麟姑蘇

危樓百尺獨超然四望常覘景物鮮山列畫屏  
寂宿霧樹浮蒼靄帶晴煙開窓雲氣生衣上捲  
幔泉聲到枕邊客去攜琴獨登覽也宜樽酒自  
盤旋

亮軒

門外青山似畫屏樓臺高峙足怡情四時花木



汪回顯

祁門

屏山北峙吉陽東一座樓臺望莫窮  
夏雨春風人我共朝嵐暮靄有無中  
琴清祇許知音聽酒熟還邀故老同  
十二危欄近寥廓文星千丈煥  
簾櫳

高

廣

吉水

若有人兮美如玉習隱屏山構樓屋  
杏花笑日映窻紅竹葉凝陰上簾綠  
課兒日讀書五車與客時敵碁一局  
何時有約許來過共向其中論

心曲

○ 蔣

鐸 安城

樓外山光隱畫屏，樓中瑞氣逼窓櫺。坤輿靜運  
能環帶，乾蓋平臨可摘星。景入黃岡蘇軾記，青  
於西蜀子雲亭。太平有暇，衣冠會來往，應知少  
白丁。

○ 汪

澄 錢塘

樓扁屏山往日題，又看別構與雲齊。九天星斗  
高攀近，四面峰巒入望低。滿座會文新几席，前

程接武舊階梯異時策杖遙相訪仰沐清風喜  
袖携

萬

節

安城

山橫樓閣勢如屏畫檻層層畫不扃雲霧千重  
凝淺碧芙蓉九疊出空青深連玉宇常邀月高  
逼丹霄可摘星羨爾蘭階儕庾亮憑欄唱和許  
同聽

陳紹州

三山  
二錄一

畫檻雕欄聳碧空佳山面七削芙蓉春光到處

香山會集詩  
卷之八  
花香細明月來時樹影重積翠一簾朝雨後殘  
紅半榻夕陽中欲窮千里雙眸淨可許登臨挹  
好風

周

鑑

麻城

樓倚屏山山擁屏樓山佳勝兩爲平松篁秀色  
凝牕碧琴瑟遺音落澗清縱目遙空舒壯氣憑  
欄四面足怡情君家世紹箕裘遠袍笏相承歷  
有聲

胡

鼎

二錄

青山屹立對樓居絕勝圍屏畫不如簾捲煙光  
春晝永牕蒸嵐氣雨晴初品題徧揭騷人賦榜  
額曾煩太史書今日尋君一登覽未容踈散謝  
塵裾

陳世義

都昌

君家奕世住屏山復構危樓紫翠間信道天梯  
星易摘誰云月窟桂難攀風晨舞劍驚龍躍午  
夜吹簫引鳳還佳趣無邊吟更健還期過訪共

憑欄

尤

嶽

毘陵

樓臺十二曲闌干山削芙蓉作障看畫棟飛雲  
朝欲濕珠簾捲雨暮生寒

此下蠹缺

劉

會

英山


碩人酷愛翠屏幽高築昂霄百尺樓設榻每怡  
親戚話藏書祇爲子孫謀

此下蠹缺

林應

一座雲樓聳翠岑千章喬木障屏陰高風到榻  
如相識吹出書聲滿上林

詩內有不知姓名何處人者外有詩被蠹缺者如饒陽李柰盱江章文昭羅子春  
天水趙敏涇川邵城嘉禾吳佚南昌胡琳文江陳貴浦城程琳武林陳皓東江邵  
進姑蘇韓雍厯城王允祁門張克紹吉水黃永許建宋冠外有詩既殘缺僅存其  
名姓者如張津江景明王大本丁澄孫曰讓趙鼎更有詩名多殘缺者尤堪扼腕  
莫可得而徵矣







祭志道公祭文

原按本錯字多不解茲畧商正

廬江衍派吉水鍾祥孝友成性薰染盡良如山  
義重助葬吉岡撫養猶子孤弱成行不朽建豎  
立社成梁無疆維恤瘞齒分糧輕金平價利物  
孔臧產腴身瘠助國除瘡年逾八十不倦就將  
尊推賓席酌酒黃堂徵辟不就隱德彌彰歷重  
長吏咨政弗遑旦晚存問卒奠丹黃巖叟罕儂  
薦紳誰方源開四派謀遺諸郎有書有穀琢圭  
琢璋比屋講塾二酉書庄近輝梓里遙顯桐鄉

浙邦馳譽蘭砌傳芳瓜瓞綿遠螽羽斯張彬列  
庠序儀呈鳳凰秋風桂馥春暖桃香天池鰲立  
道岸鷹揚新猷黼黻名世文章仰賴

祖蔭光此宗祊祭丁祭戊時蒸時嘗雲朥雲集捧  
豆捧觴 祖考來格奕禩榮昌伏惟

尚

饗

祖祠佳聯甚多記不能全總候補入茲刊

光裕堂聯對一副

子姓日繁皆是一本之親何分爾我

人情世異率由三代之道豈有古今


嘉慶乙丑年十月初一餘慶堂錄龕上座祭後四

大房又加四祭各房祭文失稿茲特錄我四房

龕祭日聯文一對亦可以見我族人丁之蕃

越四十一年昭穆定矣爰陳薄奠於春祠夏禴秋  
嘗之外看此際土鼓陶匏庶幾禮樂從先進

練二千餘位次序分焉用展微忱於震長坎中良  
少以還望將來鳳毛麟趾益賴詩書啟後昆



屏山十景詩

并序

舒時亨

闔黔山水府志以吉陽爲最非虛譽也蓋其笑  
兀排雲諸峯矗列孤高者有老人峰一名笏一  
名進寶一名困睡尖又秀如三姑尖一名筆架  
山險如獅頭崖鰲魚島橫亘如屏風山廻環如  
東文嶺仙跡如三聖姑舒道翁胡月鑑以及洞  
台瓶竈筐卽三聖姑  
不續筐鶴之類竒形勝景不可殫述早  
晚四時變態不同故俗呼老人峯上雲爲公公  
戴帽屏風山橫嵐爲婆婆繫腰皆韻語也茅居

其間者習而若忘耳予旣家屏山之麓愧未能  
領會此中之勝畧爲題其十景獻諸 大雅削  
甄鳴玉定多 教予

屏風擁翠

萬木森七擁秀屏端方正立鎮長寧朝含瑞氣  
連天碧戶捲珠簾入座青厚重欣瞻高祖德尊  
嚴合共泰山銘雲蒸雨潤陰七綠威鳳祥麟益

毓靈

吉陽曉日

笏立鰲騰上接穹遠迎羲馭到黠東仙人下步  
花園畔龍燭全驅宿霧空捧寶峯頭公獻曝連  
天頂戴日初紅吉陽山駐陽光吉五色川原影  
照中

三峯聳秀

三姑愛此共登仙列坐峰頭不記年下土憑儂  
呼姊妹高鬟長自濯雲煙台星削立春林笋筆  
陣鋒摩碧落天秀絕寰區人未識神山竄海等

逃禪

吉水流波

吉陽百帶自東流，屈曲齊趨吉水溝。汲飲而甘

人福

地亦名福聖

壽油

古咏新安水如油

疏以灌歲豐

社亦名長豐

收恩波

遠逝還留浙

本爲浙源且高祖下屢有仕于浙者

印笏

俱水口破名

當前自在浮

廿里桃源長繞綠，屏風文嶺互悠七。

石洞春雲

撐壁玲瓏石洞新，吉陽山半吉雲皴。騰霄帶映

千門瑞結蓋陰添，萬井春月夜人歸。跨白鹿仙

梯路別隔紅塵誰，知此內龍猶卧爲待雷轟遍。



雨垠

○○ 梅林香雪

梅林古地名凡四時花開如雪而梨尤盛

尋香望雪到梅林  
雪聚香濃兩愜心  
映日梨香鬆雪梳  
飄風絮雪落香襟  
公簪雪鬢香黏帽  
鶴蹴香花雪弄陰  
玉立森比香雪艷  
梅香林雪護雲深

十景詩時亨僭刊六首仍有八礪觀穫比屋書  
聲丹台夜火蓮塘玩月四題謹俟族中諸紳士  
先生補刊

時亨識

屏風山登高

屏山笑兀接穹窿萬葉千枝氣鬱葱  
樓臺桑梓裡重重帶礪畫圖中  
萸囊細貯題糕字菊酒香迎落帽風  
我醉誰扶歸路遠陶情尙欲坐

舟楓

祖祠屏山樓登高

擬向高山修令節翻來祖廟賞重陽  
臨龕仰見衣冠古下拜微聞俎豆香  
序齒人多聯鴈字猜拳客自比鷹揚  
尙思功德高無極朗唱豪吟又

舉觴



時亨  
遷居白茅坂匏繫無事耶以遣興

摘刊

未堪多難避無籌問舍求田事遠遊知有白茅  
堪採用適多黃道可隨諏剛占戊子成不日靜  
課頑兒少解愁隔却黥屏三百里滿懷廬墓在  
鄉甌

寄人廡下繭蠶如兩處經營益拮据四壁塗泥  
思徙宅平鋪莞簟任安舒偕兒與僕爲童冠挈  
影和身過草廬食貨衣囊無擔石牀頭恰放幾  
肩書

新宅入來眼界寬西河百里會關關田園半付  
輞川畫戶牖全如陋室刊兩翼高岡橫帳幕三  
宵吉夢異邛邛馮渠頌美兼嗤拙強向人前說  
苟完

不知天命不知非五紀年華去不歸築室新來  
分井臼迎門舊已樹旌旗南山豹霧朝匕隱北  
闕星光夜匕輝我是天涯淪落者何曾肯與願  
相違

鎮日衡門掩不開往來車馬任塵埃攤書獨擁

南州榻款客時傾北海壘竇氏庭前馨五桂王  
家院落植三槐區上幾笏幾弓地徑寸心苗祇  
自栽

菴茅百帶草堂高造化安排許我叨冬暖夏涼  
貧亦樂左圖右史富而豪林深更覺形神逸水  
遠從教盥濯勞問我箕裘殊少策數椽風雨養  
清操

爲供饘粥計肥磽畎畝優游意自饒謝事低籠  
長手袖投閒隱作捲心焦屋因晴火時鳴拆樹

爲風多慣湧潮偶覺身居圖畫裡山前日暮看  
歸樵

雞犬相聞隔頃田星村旦暮接炊烟人因數見  
由由熟語爲頻通漸七圓宛爾農官成世襲知  
他牧豎依薪傳從無問字堪藏拙笑我痴磨硯  
共穿

白茅黃土日相親說到苴燾幻不真左右提封  
空萬井往來奔走許多人秋風慣剪梧桐葉故  
我仍稱草莽臣少壯不如今已矣九原何以慰

雙親

習俗移人最可憎  
彝倫矩矱守高曾  
克勤克儉成家本  
畱讀畱耕是上乘  
整肅門庭嚴內外  
安懷老少事賢能不  
竒而異惟忠孝俎豆  
馨香奕

襮升

得梁

誌雙也

一座金樟聘八千  
堪勝重任載檐前  
人生任重宜如此  
莫以區匕便荷肩

缺瓦

紀誦也



未雨綢繆瓦議申再而三約付虛神翻然巧說  
茅廬好笑我原非弄瓦人

買得古瓦

四旬無瓦露空臺可奈陶人慣敗盟幸得當年  
銅雀式香來恰試串珠聲

蓋瓦夜喜雨

缺甎

上齊檐口下通溝任雨任風減却愁莫訝前垣  
封未滿爲邀明月照床頭

缺菜

誌窘也

身山會... 卷之...  
播遷創造古來難井竈門庭事萬端一片荒園  
秋未種菜蔬曾買到淮安

新居題壁

示我南車指癸丁古來人傑地鍾靈吾今自得  
吾廬愛夜坐中堂看壽星

春日憶故居

聚族屏山衍慶長四圍屋樹壓方塘魚遊水面  
吞花影鳥立枝頭說夢香子弟三千分講塾衣  
冠八百會宗祊遙知族黨羣憐我集蓼茹荼味

盡嘗

寄懷諸親友

獨處成孤僻誰爲藥石箴

詩友  
難得

心長羞短綆興疾

發狂吟室內書香滿門前轍迹深賞音知有在

靜坐理瑤琴

缺紙

誌貧乏也

爲懷親友不成眠得句隨思寄一篇檢點書囊  
無寸楮翻裁舊簿作詩箋

...

...

...

...

...

...

...

...



題白茅坂新居中柱聯文

創業維艱願後人笑前人之拙

垂成不易期一世立百世之模

題上柱聯文

君聖臣忠士學農耕工勤商裕而國人安  
父慈子孝兄愛弟恭夫良婦順而家道正

題前柱聯文


入門聽得書聲紡聲孩童聲便是家庭樂事  
在堂常聯諍友親友道藝友堪希宇宙完人

身山會館詩  
卷之二  
擬題景德鎮徽州會館聯文

附刊

面對龍塘呈秀氣  
回憶黃山隸歛白  
嶽隸休數  
典從知黟縣古

客來鎮地叙鄉情  
坐看北水通祁南  
河通婺窮  
源益信績溪遙



時亨

夜枕不能寢  
心念朱子讀書樂四章因

敬仿焉

附刊於譜擬助後學者一鞭也

春日讀書樂

築就田園半畝宮  
圖書四壁日磨礮  
聖賢相晤

成真契

初次夢見孔子二  
次又夢見朱子

筆硯回春顯  
化工好鳥頻來

歌且舞德禽齊唱  
雨和風儒林藝圃  
花都滿艷  
羨人吟錦繡中

夏日讀書樂

斐几書攤夏日長  
碧筩茶盃吸荷香  
談經想見

便七腹照字新增熠七囊不信元勳誇半部有  
時蕉葉肄千張餘閒且作琴牀伴漫說紗窗枕  
簟涼

秋日讀書樂

書田學圃勝農收菽粟鹽梅任汝求曠代奇文  
開眼孔搜來秘奧愈珍饈尋源尙覺銀河淺課  
已常如月窟修弗憚登高七望遠薪傳到處別  
薰蕕

冬日讀書樂



永夜焚膏照簡編  
芬畱齒頰味胸填  
寒牕筆健思搖岳  
冷研冰封想炙烟  
餞臘還憑詩酒遣  
生新却讓典墳先  
文章性道原同脉  
一畫陽開萬派宣





舒氏像贊行派

一列祖容像容贊因路遠無徵不敢妄載候後  
續修族譜時補載可也

一行派字亦所以明世系之次序也前明萬曆  
年間修譜編有

立朝遵堯君法天廣其仁秉志崇公道佳夢發

于長

共四十字

爲序當時嫌其口語漸卑未行

至大清康熙年間一百六十三世始取名冊  
立字行派起今將十代矣茲特錄前二十行

派字刊刷於前以便取名揆派將來不待二  
十字滿族中自有賢能者重修族譜再另編  
派字可也時亨聞舒榮都公爲巡按後回家

將欲修譜未遂當時編有行派字句予實未  
見茲者或欲予補編行派字予則不敢僭擬  
矣

一時亨本四房支祖以下世系屢信催取竟不  
寄到亦俟族中修譜日補載可也

譜修畧備共刊刷二十四本發存各祠各  
支合誌於后以便稽查庶免失遺諸弊

大長房 世求堂

外門序倫堂

裡門 康公祠內進餘慶堂外進光裕堂

匣存一本

外長房 振綱堂

外二房 大本堂

外三房 祚裔堂

外四房 繼善堂

裡長房 衍慶堂

裡二房 咸宜堂

裡三房 顯德堂

三裡芝蘭室 舒守和分存一本

裡四房上四思誠堂 德馨堂

四下篤慶堂

四下五之堂 舒時亨收存叁本

維新堂

百順堂


長壠派慶德堂支丁舒肇傑附修分存叁本

二裡宜咸堂支丁舒吾履分遷寧國府太平縣郭

村今改遷景鎮中渡口二畝舒朝通附修

分存一本







老譜載分遷二百餘處茲不能備誌約畧統  
開於後以俟後之修譜者收入統譜

廬江舒城舒

皖城各縣舒

池陽在城舒

石埭蓋山舒

湖廣各郡舒

古歙舒塘舒

績溪在城舒

饒州各縣舒

洪州進賢舒

太平涇縣舒

湖州烏程舒

都昌長山舒

汝陽沈邱舒

撫州府舒

長林橋舒

開封府舒

揚州府舒

長演嶺舒

紹興舒

京兆舒

平陽舒

上黨舒 餘姚舒 淮寧舒 淮安舒

朱州舒 婺源舒 金華舒 海寧舒

奉化舒 德興舒 建德舒 麻山舒

梓溪舒 崇德舒 商口舒 六安舒

粵東舒 薊東舒 縣前舒 東門舒

江村舒 長能壠舒 派教不籍疑有缺誤 河南舒 休城舒

外有在蘇杭山東各處者未查確未列

古黟屏山長寧舒派輯錄

舒氏宗譜

晉尚書右僕射舒遜奏呈家傳譜表 丁未補刊

唐光祿大夫

舒讚

進呈家傳譜畧

古黟屏山長寧派後裔

道觀

增修

第一世

叔子公

太皞伏羲氏後裔初出封任國及黃帝之子金天氏少皞能修太皞之法乃大封任國諸後嗣以崇祀伏羲故我祖叔子公始得

一名均

爲紆地正在今舒城皖城諸郡邑後嗣因分封爲氏爲鼻祖卽所謂胙之土而命之氏是也 公初臨紆地大修義祖之法擇其民之秀者教以文字強悍有力者任以驅馱墾荒爲業而紆地大治當時古朴少立官爵地正猶云君長紆舒古今字通用

第二世

請公

襲封爲紆國地正置官屬遵義皇遺制以龍紀官繼又遵顛頊帝制以鳥紀官此臣屬之中所以有鳩氏龍氏也 公巡行田野勸

民勤力田畝域內開墾荒地過半民皆得安業樂利

第三世

芒公

卽句芒也爲紆地正紆民悅服顓頊帝選爲農官猶後世入爲王朝卿士之類公生而神異長益靈明相地之煇濕審候之寒暖教民辨種播種民賴其利永可爲法故顓頊帝造曆歲分二十四氣特制芒種一節示民久遠遵行官之兼且神之所以迄夏祀爲稷神至今奉爲春神色象隨歲月日時變易將與天地無終極焉

第四世

讓公

爲紆地正勤於治理域內乃無強凌弱衆暴寡之患

第五世

遐公

襲職爲紆國地正時域內無貧苦無冤民  
從弟嵩爲歷正外晝夜時刻因曰嵩

第七世

晁嶷

帝嚳時人襲職爲紆地正天下富庶稱最使理句區有功  
今爲紹興舒

第七世

挺公

爲紆國地正

第八世

越公

襲職爲紆國地正

第九世

欣公

堯帝咨訪天下大賢羣臣舉舜兼舉發鏗 欣公言舜爲虞國長  
公子因繼母愛象憎舜不得近父以致鯀居在外有嘉德孝行傳  
聞於世發鏗爲彭國君長乃顓頊帝元孫聞其專理自身不能理  
國何能兼理天下鏗因此歸國傳位其子後壽逾八百歷夏商猶

存世人稱彭祖者以其為彭國君之祖也此可見我 欣公有知  
人之明矣

第十七世

融公

襲職為紆國地正

第十八世

履公

禹治水至淮屢濬屢壞乃檄集諸神得禍水怪余支祁履公辨役  
供億實與有勞後禹功告成分土錫姓乃命我 履公為舒姓子  
爵 從弟柏為禹車正

第十九世

蒼公

襲封子爵為紆國君塗山之會公先至論功行慶受車服而歸國  
人悅鄰國亦相慶多來朝聘 從弟皆典樂司副

第二十世

# 遊公

公初名繇，人康盤遊無度，不從遊。諸國多被謫罰，因更名遊，示柔順以避害也。繼而弄亂，公與諸侯同盟，不助弄。於是弄漸衰弱，而仲康復興，徙居商邱，得公之力爲多。

十四世

# 穎公

帝相時，寒浞擅權，作威福，行弑篡。公僅能自保守，而貢賦朝聘之禮不行，亦不問。

十五世

# 協公

高邱與舒地相鄰，少康謀復國，滅浞，先潛通問於我。協公公爲約諸鄰國起兵助之，遂得復國。爲古來中興賢君，後勞公以庸地爲舒國，附庸。蓋古庸成氏後裔也。

十六世

# 邵公

襲職爲舒國君，值夏王柱后槐后之世。

十七世

宴公

爲舒國君值芒后之世

十九世

廢公

爲紂國君值岱后泄后之世

十九世

侯公

爲紂國君值泄后不降后之世

從弟睨分司龍門遷爲大丞長

二十世

初公

爲紂國君值不降后之世歲大飢公分給貧民壺漿食指多者量給粟時而生子因名漿

廿一世



漿公

爲舒國君值不降后扁后之世



鑑公

爲舒國君值扁后之世



該公

爲紂國君值厘后之世



星公

爲紂國君值孔甲后之世



漾公

爲舒國君在位僅一歲

世六世

渚公

爲舒國君值孔甲后之世時有劉累爲夏后豢龍既而龍死孔甲使求龍不得懼逃罪於紂渚公使遠去遂復逃匿於泰山之陽

世七世

蕪公

爲紂國君值孔甲后皇后之世

世八世

鉤公

爲紂國君值皇后之世

向

世九世

制公

爲紂國君值發後及桀之世

世十世

# 樞公

湯居亳與紂爲鄰國交最善及湯伐夏桀我 樞公佐湯有功湯酬庸以廬江之地而紂國乃益大後人因號爲廬江舒郡國漢唐以來有因仕宦而遷居平陽者子姓繁衍後人因又號爲平陽郡舒其實亦是一本之親

三世

# 塔公

襲封爲舒國君值太甲之世與亳都最近比於畿內諸侯四方祀來朝聘 公爲佐賓無間祀

三世

# 赦公

爲紂國君值太甲沃丁之世因伊尹卒天大霧三日 公以不祥之言進諫沃丁怒將誅之得咎單諸臣合救獲赦因賜名赦

三世

# 夾公

爲紂國君值太庚小庚雍已太戊之世太庚時咎單卒以後亳都事漸非四方朝聘祀漸疎 公亦不得比於畿內諸侯矣

三世

穡公

爲舒國君值太戊之世公初爲世子時事親至孝及卽位恐負先人命名之意每祀出必耕稼徙治無定居惟以車爲營衛上農餉以酒肉下農怒詈之甚者批其手數祀民皆自相勸勉國大殷富

三五世

徯公

爲紂國君值祖辛沃甲之世

三六世

崇公

爲紂國君值河亶甲祖乙之世先遷相祖乙又遷耿遷邢干役不勝其煩諸侯畔公獨無怨言

三七世

訐公

爲紂國君值仲丁外壬之世仲丁因河患遷都於囂公以兵送助立朝廟諸遷事而後歸

三八世

醴公

爲紂國君君值沃甲祖丁之世移治濟陽教民鑿井以資灌漑旱田亦得豐收

三九世

劇公

爲紂國君值祖丁之世

四十世

希公

爲舒國君值祖丁南庚之世

四一世

奏公

爲舒國君值南庚陽甲之世

四二世

栒公

爲舒國君盤庚因邢都水患謀遷十餘祀而後始得都亳公勤勞備至祀受榮錫

四二世

部公

爲紂國君僅盤庚小辛之世

從弟城經理荒服籍與圖賦貢以朝

四四世


服公

爲紂國君僅小辛之世

四五世

冤公

爲紂國君僅小乙之世



四六世

奉公

爲紂國君僅小乙之世

四七世

泚公

爲紂國君值小乙武丁之世勵精圖治不敢寧居

四八世

易公

爲舒國君值武丁之世從父巡行域內不憚勤勞嘗愛浮山秀麗遷居浮山之下百姓樂業因未生子選得龍麗人禱于浮山連生十子長名麗公之弟茂爲朔方部長萊夷賓服

四九世

麗公

爲舒國君值武丁時重譯來朝命公擯贊禮時尙陶子姪數十人皆以陶器名名之

五十世

顛公

爲舒國君武丁伐鬼方公以兵從三年克服乃愷歸

五一世

同公

爲紂國君值祖庚之世

五二世

辟公

爲舒國君值庚甲之世

五三世

町公

爲舒國君在位僅一年

五四世


黍公

爲舒國君值祖甲之世

五五世

孚公

爲舒國君值祖甲庚辛之世





五六世

寧公

庚丁時沂枝崩壓命公治尊隨奏功

五七世

牧公

爲紂國君武乙無道射天 公屢諫皆不聽

五八世

殖公

爲舒國君值太丁帝乙之世

五九世

恆公

爲舒君值帝乙及紂之世

六〇世

鈞公

武王克殷 公襲封紂國子爵武王謀遷都公言朝歌敗亡之地不可遷乃營洛邑定鼎于郊鄆佐分西土爲百縣

六一世

叶公

襲封爲舒國君成王使置金刀龜貝遵呂太師式命爲司幣辭未受

六二世

滂公

爲舒國君值成王之世

六三世

霆公

爲舒國君值成王康王昭王之世

六四世

皖公

爲舒國君值昭王穆王之世封域內原無城郭治無定居公初由浮山遷潛築臺而處時人號潛山爲皖公山旣而相地造城疏水

從昆賢爲畿內上士佐畢公保釐東郊舒國世傳古簡字畫怪僻人多難曉賴賢譯周字得傳至今

溉田以濟民生民皆樂業蒙庇因名其城曰皖城水曰皖水就山立廟曰皖公廟以報其德祀多靈應後人無從徵實誤以我皖公爲古皖國君獨不思皖地無多其封國尚有古於我紆者乎

六五世

輝公

爲舒國君穆王好遠遊因國不足用重贖刑公於朝之年必進諫比時王不聽厥後贖刑亦稍省

六六世

玘公

爲紆國君值穆王之世皖城旁江歲瀕于水兼患外寇侵迫公乃於江淮之內相地所宜因民利便先後大小共造有十城念舒城地高無水患且是上祖初受封國因高大其舊制定都舒城不復改遷矣封域內道路橋梁有險阻者必鳩工建造凡大礪多稱玘公礪後人亦有稱玘公礪爲玘礪者其誤小無庸辨也

六七世

宸公

爲舒國君值恭王懿王之世恭王淫虐懿王徙槐里又徙大邱民不聊生荆人畔周使人來要舒公未聽從

六八世

蓋公

爲舒國君值孝王之世江淮有冰霰民畜凍死無筭

六九世

旭公

爲舒國君值夷王厲王之世楚稱王周不能制乃下堂而見諸侯弱實甚矣公知周不能庇舒遂周旋于楚

七十世

楊公

爲舒國君值厲王之世

七一世

荀公

郟子位僅二年

七二世

翕公

厲王虐國人畔攻王王出奔彘楚人聚謀畔周我翕公言共和攝理諸侯輯睦乃不果伐

七三世

宥公

爲紂國君周宣王立共和能法文武之政楚人畔王命方叔南征楚人徐人皆懾服我宥公朝周王欣悅賞賚甚厚適值穎大夫辟難奔周王乃命我宥公往攝穎職穎賴以安隨復國

七四世

遷公

爲舒國君值宣王幽王之世

七五世

穀傳

爲舒國君值平王東遷公朝賀受車服而還

七下世

# 依公

楚人恨我舒國不附楚而朝周乃暗使徐人襲取舒城 公夜逃  
出不知存亡所傳二千數百年之 國至此斬矣當時幸有鳩庸

龍麥鮑五姓大臣各據城地咸願奉舒宗祀以亢徐故有紆鳩舒  
庸舒龍舒蓼舒鮑各號此羣舒之名所由起也 按羣舒多偃姓

實非舒姓本支

從姪裴爲潯令楚王使鏞

鼎於郢城檣杙以垂戒百  
官時稱潯舒亦稱郢舒

七七世

# 蹊公

舒國既失 蹊公爲世子時不知父之存亡匿跡二年訪求父不  
得丙寅歲適周受王命爲枝江大夫後五姓大臣共奉請歸國公

自願閒處虛位政皆歸於五家有大事斯共決之常謂國非己所  
有五家朝則亦如夷王之下堂見禮言念及父則痛泣不食無聊  
則一車兩馬出玩山水或勞農於田或息爭於路遇貧乏者薄賑  
之歲以爲常公自忘其爲君民亦忘其爲舒國之君也

七八世

祠公

遵父遺命卽君位而不理國事祭則親臨所有會盟聘問兵戎皆任五家往

七九世

需公

履君位而不理國事諸皆同上

八十世

懋績

履君位而不理國事春秋巡行田野省耕省獲不時命駕出問民之疾苦而已

八一世

孺公

履君位而不理國事因楚滅蓼知楚益強乃命四家爲楚附庸見魯朝楚遂亦朝楚

八二世

堵公

爲紂國君見楚強舒弱乃慕長生術次年卽傳位於子旣遇伯陽甫教以煉精化氣之術因自號道翁年逾三甲子來去無常後不

知所終

八三世

謙公

奉父命履君位而不理國事

八四世

聒公

虛處君位命四家降楚四家未即從

八五世

牂公

不願君舒國在位二年楚滅庸遂傳位于子濤從姪雷陽副吳起平百越戍吳保障一方至今廐祀

八六世

濤公

君紆國四年傳位於子駕使舉國歸楚駕言我舒國傳世有三千年矣何忍一旦棄與他人



八七世

### 駕公

君紆國七年知國不可支傳位於子同使歸楚以安國人

八八世

### 同公

值周威烈王之世爲舒國君二年遵父命歸楚楚王憐之使食采於辰今辰州府屬地公將往辰問諸筮發得坤之比發曰是元吉之象也坤地也可靜不可動靜於內而動於外必將又有播遷焉內靜必得復歸舒國水聚地上必能得衆山立地上必益高大且辰地爲龍而得水有榮無辱變化伸騰厥後必昌公乃往爲辰縣尹楚王常使人察之無所讓也

八九世

### 來享

襲位爲辰縣尹祀祖則歸紆與諸父兄後輩聚飲數日而後歸辰

九十世

芬公

襲位爲辰縣尹諸皆同上

九一世

荀公

襲位爲辰縣尹諸皆同上

九二世

寮公

襲位爲辰縣尹諸皆同上

九三世

毓公

值周慎靚王時楚王移戍桂陽有遷邊園功封桂陽君今湖南郴州府屬地公思戍地多難恐有不測乃使從同兄弟十三人各

擇所善地而居曰莖遷于蔡曰楠曰鸞曰珍遷營曰平日黃曰盛曰適遷齊東曰棗曰確曰監遷河陽曰浦曰瀟遷中山皆同高祖公之支庶也又使己不泓回舒城

九四世

法公

公字元量楚懷王時歷官至右卿嘗諫王勿親秦懷王不聽而踈之秦昭襄聞其賢聘爲客卿勸秦兵并諸國言聽計從有功封涇陽君卽京兆

九五世

權公

漢兵破秦項兵入焚咸陽

子鵬請挈家回紆城辟亂

九六世

鵬公

九七世

臬公

九九世

戟公

九九世

駿公

公字配德漢武元期中舉賢良歷官丹陽太守涖任九年多惠政因愛黟山奇秀桃源內溪鳩幽曲雞犬桑麻迥異人境四面皆高

山環抱百數十里並未鑿有嶺路出入儼然別一天地因留家焉是爲徽裔始遷之祖黟山唐元宗時改名黃山配趙氏生子六

延福延臻延壽延年延康椿齡長曰延福字允嘉建元間娶崔氏生一子名珍字懷璧元康間歷官內史黃門侍郎配胡氏生二子

三女三女不輕適偶出遊路遇老姥教之採藥繼又教以煉形服炁之法後乃引入吉陽山中得巨桃分而食之歸途煩燥思浴姥

推三女入潭中化爲三赤鯉而去迄今吉陽山猶有三姑尖三聖潭諸仙跡存焉漢成帝時封三聖龍女真仙宋紹興十七年皇太

后病夢三仙姑入宮療疾旋愈加封顯濟二字賜額立廟當時胡氏母尋女不獲朝夕悲泣乃改遷蓋山亦黟山之支隴也今隸

池州府屬地 延臻公字允文生子二居欽之續溪元鳳間官拜  
豫州刺史 延壽公字開熙生一子居欽州舒塘元康間官至少

府贈民曹尚書 延年早卒 延康公生二子長曰名佐次日名  
卿歷官至中庶子中允配金氏生一子名士名



椿齡

一名齡椿

元封間生二子長曰瑞次日啟公業儒因父兄爲官在外未便出  
仕居家持理家政又因舒城舊有宅墓產業無人居守奉 父駿

公命挈眷仍回紆城當時父兄親友餞送詩篇頗多今失傳是時  
駿公父子公孫皆位顯當世人稱曰舒氏文獻一家相傳手錄有經

義詩軸文軸若干卷行世又傳古詩十九首及李陵答蘇武書皆  
公平時所擬作者並載在詩文軸中今皆失傳卽所傳者亦不

復載紆某擬作之名誠可慨也 宋蘓文忠公疑答蘇武書爲六  
朝高手所作或曾見過我 駿公文軸而爲此言亦未可知



啟公

昭帝宣帝時生二子長晉魏配羅氏次彥戟

百二世

晉魏

宣元帝時爲槐里長遷武陽

百三世

夢權

元成帝時爲龍泉令配狄氏生三子長曰廣鉅次日春光三日春  
昱

百四世

春昱

元成哀平帝時建治年間拜衛尉配段氏生一子

百五世

賢服

哀平帝時

百六世

炯讓

光武帝時生二子中元初年爲博士遷大中大夫

百七世

懷公

明章和安帝時爲臨安別駕生二子長錫純爲陽城長史是爲陽城派二國榮

百八世

國榮

安順冲質帝時

百九世

瑞章

桓靈帝時

從弟記室名述表上本姓宗譜

百十世

曰益

獻帝時



百十一世

介公

三國時

百十二世

維銓

三國時

百十三世

可大

西晉武帝時



百十四世

攸公

東晉元明成帝時

百十五世



宏公

元明成帝時生三子

百五十六世

京梁

成康穆帝時

百五十七世

進狩

孝武安恭帝時

百五十八世


文真

劉宋武明帝時

百五十九世

邦基

南宋秦豫時爲宜興令



百一十世

君羨

齊高祖時乙丑爲安陸郡丞配馮氏生二子

百一十二世

萇公

梁天監甲申以開河功拜中書舍人配周氏

百一十三世

廣兆


梁陳武文帝後主時

百一十四世

訥公

陳隋文帝時

百一十五世



炬夫

隋煬帝時

百世五世

應錫

又名可唐高祖時五年辛卯除均州判配沈氏

百世六世

日中

唐太宗高宗時

從兄贊中名讚表上本姓宗譜

百世七世

一松

高宗咸亨年間除閩州令配張氏

百世八世

茂楊

武后時

百世九世

崇得

生二子長嘉善次嘉生

憲宗時元與公爲相卽嘉善公之孫也

百二十世

嘉生

生一子

百三十世

惟允

代德順宗時生二子長元與次元相生一子曰安統統生四子長正倫二令神三德與四德興

百三十一世

元褒

配宋氏生一子曰知誥穆宗懿宗時貢元

百三十二世

知誥

生二子長曰德輿次日正葵

百二十四世

德輿

僖宗時與從兄弟德輿德興等皆業儒就學於京師遭黃巢兵亂兄弟三人同冗道迺歸旅夜夢神各告以逢長郎止之語可謂奇矣所以我祖德輿公遷於黟邑之東長寧里是爲屏山舒派德輿應公遷於歙之長林橋德輿公遷于黟南之長濱嶺兄弟三人各逢長郎止之夢故能保世滋大如此洵非偶然



舒氏族譜

屏山長寧派後裔

道觀

校修

第廿四世

一百三十四世始遷祖

德輿公

生於唐宣宗大中五年歿於五代晉天福元年丙申享年七十有六墓章碣初來遷於屏山西面皆如庵隨改名長寧庵配王

氏墓東亭嶺下

第廿五世

一百三十五世

龍高公

墓二都西山孺人墓十一都北嶺橫山

第廿六世

一百三十六世

承魯公

墓二都西山一作麻榨孺人汪氏墓麻田俱暑字號

第四世

百三十七世

光同公

字烈人配王氏合葬十一都嶺下和尚坑撰字號生二子長孟傳次孟傅公生四子名瓊環瑤珮俱出外

第五世

一百三十八世

孟傳公

葬五都夫子墩元配孺人生一子曰務資居本村溪東廟下今稱百順堂派宋元明時子孫登仕宦者甚多 繼配孺人葬郭

家山生二子曰務濬務和

第六世

一百三十九世

務和公

葬古城塘頭壘形亦名蜈蚣形係遜字八十號計地稅六分孺人奚氏葬姚村長曰從淹遷居城中縣西邊次曰從濟

第七世

一百四十世

從濟公

暨孺人合葬三都雙河口生二子曰覺曰權權公出外



第八世

一百四十一世

覺公

墓本都千秋坦郎十二婆塢配盧氏墓蟬獅塢生三子曰強曰續  
曰綱七公次子名元字价夫宋皇佑己丑進士

第九世

一百四十二世

強公

字彥隆暨孺人合墓十一都北嶺橫山生二子長曰褒次曰褒褒  
公出外

第十世

一百四十三世

褒公

墓六都葉田長系村蒼糧塢配胡氏墓張頭石生三子長曰光次  
曰雲三曰霆雲俱出外

第十一世

一百四十四世

光公

字耀卿墓姚村配林氏墓長嶺嶺

第十二世

一百四十五世

身山會氏宗譜  
卷之三  
儀鳳公

墓長演嶺四十八級奈字號生四子長曰藻次日艾三日藩四曰藻艾藩俱出外

十三世

一百四十六世

暮公

孺人合葬后山園生二子長曰師尹次日師稷尹公出外

十四世

一百四十七世

師稷公

孺人合葬姚村

十五世

一百四十八世

天佑公

孺人合葬姚村

十六世

一百四十九世

佛六公

字逢時生於宋理宗景定五年甲子歿於元順宗至正元年享年七十有八元配程氏墓末潭繼配汪氏同葬蟬獅塢公有田地

十四頃富甲一方樂善好施敬賢重儒東建龔家嶺慈興庵西建祠裡皆如庵南建居第北建蟬獅場各處礮梁公初居皆如庵次遷巖村三遷花園畔後遷村心卽今舒村是也宅凡四遷始得今開族基址爲後世計至深遠矣



一百五十世

### 貴公

字賢和號理齋生於元世祖至元六年因多產業稅畝分立四戶當差解糧三十八歲歿于金陵後榻立牌位撤回暨孺人合墓章碣雙楓樹下公生四子長曰伯華次日曰仲文三日叔儀四曰季序仲文子樵童字彥仁編長謙解景發從永平府盧龍地方爲民叔儀公絕季序公出繼元保公爲子後爲吏充北直隸金吾衛軍



一百五十一世

### 伯華公

生於元成宗大德九年乙巳因解糧歿於金陵明洪武二年己酉享年六十有五後榻裝回暨孺人程氏同葬后山樟樹頂大墳林左邊生三子長曰文儒字彥禎明永樂元年貢元授浙江都司在任立籍不回次日曰文侶三日文俯字彥忠出贅二都江

村程氏爲婿住居二都江村



一百五十二世

### 文侶公

字彥友生於元順帝至正二十五年丁酉歿於明宣德六年辛亥享壽七十有五葬姚村虎形係李德貞先生所卜扞者配一

都林氏葬長演嶺繼配程氏葬后山楓樹下生三子長曰依仁今稱大長房次曰據德今稱爲外門生四子分爲四房三曰志道今稱爲裡門亦生四子分爲四房




一百五十三世

### 康公

字志道生於洪武二十二年己巳歿于成化八年壬辰享年八十有四葬后山樟樹頂下大墳林元配汪氏妙惠孺人生三子曰鐸


曰鑛曰鏐繼配胡氏于孳太君生一子曰鏞出仕浙江桐鄉縣公生平樂善好施解紛息爭修路乃其常事曾日造入礮諸石梁

洞至今猶存輸社田重建長豐社社會規至今恪守不壞分毫尤爲難得後因助餉平寇有功贈入鄉賢祠歷來丁祭戊祭皆得配



山陽吉

災 國 嶺 五 始 三 山 陽 吉



屏風山

太平社

舒村陽基

長堤

水

家朱

雜姓

廟

象物

六公塚

橋

溝

壩

形

象


介

下

介

介

介





六都段大坂陽基



水

右圖是我舒姓陽基陰地總圖也經曰艮亥江南第一龍按此南幹初抽脉從大焰尖起祖果係亥龍初抽大帳北至盧村西南出至三都一都止次起大帳爲石鼓山亦名檝兵山西南出爲葛藤龍最長末落結蟹形我舒姓葬務和公祖地也腰落鮑家葬巡按未得近爲外四房扞得矣

石鼓山左抽一枝爲九畝大地送龍結飛鶴形時亨所定正穴近指裡長房葬得矣



石鼓山右初出一枝結蛇形裡二房扞得發小  
族小富貴

第二枝結猛虎飲泉形裡二房扞得發過父子  
糧道

第三枝落軸上結蓮花形外四房扞得發過兩  
廣巡按其山上有爲外二裡三扞得者因未  
到穴未圖

幹抽第四枝結鐘形爲催官地外四房扞得  
第五枝結飛天蜈蚣形裡三房扞得發歷代庠

貢教諭

第六枝結眠犬形卽予裡四房墓高曾祖芳  
公蘭公地也發歷代庠貢

第七枝地在桐坑外二裡長裡三房各扞各發  
第八枝乃屏風山大枝龍初落結眠牛形卽予

裡四房祖地墓良朋公抱公地也發歷

代庠貢以下分出龍行金牛轉車劍印夾峽  
起帳美格頗多各葬各發不能悉記惟大虎  
形爲正結葬彥友公發大長房及外門四

大房裡門四大房皆成族係李德貞先生所  
扞者有記

按此地乃貪狼行龍急脉須用緩受辛兼戌  
氣出胎扞巽向兼辰前有堆肉案三峰呈秀  
內外兩塘水聚財旺長支不利青龍欠也次  
則發福悠久富貴人丁兼開族七科六甲殷  
世年

贊曰大哉斯地陳完之八中年培補須防保闡  
現毛露爪方是大發末有播遷自成羽甲

圖內第九枝爲舒姓陽基大龍各房所扞發者  
不能悉記中間象形裡三房扞得發過科案  
外出起土屏北向結眠犬形裡二催官地也  
屏之東南出結螭虎形裡長房扞得時亨買得  
餘地二片厝未葬屏之西裡二墓姑娘墳頗  
佳屏之西南出結前背庵正龍兩邊劍印夾  
送出結樁上梅形鐘形榨形各地而裡三斜  
騎龍穴旺甚西抽結眠犬形百順堂先發過  
二科近裡四又發二科正龍出起大樟樹頂

頂之東結舒村陽基頂之南結大墳林正穴  
塋 志道公及干孥太君子孫陪葬墳頗多  
左邊葬 伯華公頂之西結反手琴頂之西  
南地外長房扞得又出爲三姑園外三房扞  
得此間亦有劍印夾從餘地多不能悉記

屏風山中出一短枝結小蛇形裡三房扞得發  
過翰林院檢討

屏中又出一長枝下平田至太平社止  
屏風山東之南出一枝結大蛇形原塋 貴公

屏風山四面各正西向結皆如庵東向結慈興  
庵磊落渡岡高起

吉陽山爲五星聚嶙行龍初抽一枝裡二房扞  
得餘穴存

吉陽山第二枝落黃宅田裡西向魚翁撒網形  
卽道觀葬 母黃氏孺人地也其南邊裡三  
房扞得

第三枝裡長外長分扞得

第四枝內結裡二房地下結六公塚并溪東陽  
基餘穴存時亨指葬梁佐叔是其一處

第五枝山上立長豐社穴爲裡三房扞得西南  
落平地結社下陽基我登公遷居花園畔

亦在其間

第六短枝裡二房扞得

第七枝初抽向北結蟹形卽先嚴卜葬父地龍  
之西南落平地結真元道院由潛上至蓮塘  
止穴爲外四裡三房扞得惜塋非名師餘穴


多不能悉記

此外圖未及亦不能記也

長寧派

道觀

謹識









予在十都黃村口韓宅祠內設帳十年看得陰基三處右圖上高田廟西向  
辛酉者郎予厝墓 曾祖母胡氏諱桂娥孺人之墓也行龍杞梓三象朝山  
有書案鳳台頗好可惜本穴下手低塌失護主離鄉 其背後子路寺前案  
外第三層山上前對三畝庄人家此龍仙橋出脉分枝來連行丁字三帳到  
頭墪曲落如眠牛樣予買得高低坦三級低二級形如象簡穴取簡頭弟姪  
輩喜下手緊密因開穴葬 父諱佳璧大人穴後玉屏作枕水口日日捍門  
可惜局太窄是予爲予者不能覓得佳壤之過也外雷公頂裡手東邊余買  
得豆租坦數片因未開穴未圖

辛向穴前邊不能削高補低是一缺陷事也

時亨識



白茅坂陽基圖



旗

陽基

東

大河水出

洲地

家

新

家

下屋方家

奇

大茅

程家

河西

山

馬天

上三



右副郎時亨新遷白茅坂陽基圖也時亨原祖居縣東吉陽山之花園此舌耕給家因浮邑之店業日非索己所存店項千餘金分釐不得轉爲衆所憎遂避出遊玩山水解悶見白茅坂上各姓陽基多佳因亦買得方宅西南隅樹林基地一片自東至西計橫拾伍丈自北至南計直拾丈比郎鳩工造屋一身獨理其事及今不覺二十四年矣回憶艱難辛苦宛猶如昨見輩奉眷來在早不覺二汪氏物故穴塋又將一紀矣人生如駒隙夢幻誰能醒夢繫駒我且急修譜繪圖期爲鞭老振怠之一助也


按白茅坂行龍美格甚多本縣龍抽枝包送下本府龍抽枝包迎上景鎮南山又復包昌江水過宮暗繞所以內外羅城周密堂局平正隨處陽基陰地皆可取用古來名記及俗記頗多茲不及載而正穴究竟難尋天蓋欲存於有德者耳 舒時亨識

舒時亨自取壽壙圖



舒時亨自取壽壙圖

右圖地在景鎮河西中渡過潘家段汗王廟內塢土名道士塢若自十八  
渡過西走至正龍未分大枝處平陽山坦卽是經所謂陰逢陽卽止是也  
所買地界在三路之內如尖角旗樣扞酉山卯向形如金帶掛龍頭理取  
帶結穴或作櫟形亦可但此地左右起土屏夾從前起青龍白虎兩重案  
略高逼穴後山畧空本身無龍虎又無窩銜乳突見者皆嫌不取故時亨  
留爲自葬己地將於下手加一白虎穴後堆高一金水泡爲孕






舒時亨元配汪氏墓圖



舒時亨元配汪氏墓圖


右圖地在浮梁南鄉吳當塢亦名葉家坵其地東至塢脚西至山半腰樹  
爲界南至塢上路心北至塢心爲界初買時擬爲陽宅因賣人何某某加墓  
山嘴上墳我家造屋高不可低不便遂存爲陰地墓室人汪氏後吳輩豎碑  
載明新安舒母汪氏諱旺日太君之墓此地路遠每年醮祭不論規課凡  
到山者每人發錢壹佰文原置有租三十秤繼又續置有穀租及山租皆在  
福鳳地方以爲辦祭費用 穴并酉山卯向理取飛鳳下田形

道光廿四年春月修譜日舒時亨誌



舒敬 思葬 母汪 氏諱 遇聖 孺人 墓圖

西向穴丙午年葬杜勤太君



Handwritten text on the left margin, partially obscured and difficult to read.

右面地在陽府山裡邊抽脈初起三台過如心亭中復起三台過老  
又起高頂落三台結順騎龍穴就金星頂下大開窩取水前有長

欄作卯山酉向有遠土屏爲朝對左右有劍印旗鼓理取將軍坐帳形又名  
寶蓋掛長幡形■墓大郎■地也東南又抽脈至石岑山背後分枝起

頭向龍頭山土屏并作艮山坤向因全收西河水大用推廳望月墓法免水  
急衝穴山脚下有文筆投池後植大元寶山前列倉庫可取究之此地乃是  
砂結墓三媳汪氏立有碑石年月名皆載碑上

